

**POHL, HELMUT (81): *De Eeschte Entführung* (1:34 min) [CD3 03]**

Ich belde mer en, ich ben et eetste Kind hee en Kölle, wat ens entführt woodt. Un dat muss su ligen, do wor ich ungefähr vier Johr ald.

Do wor ich bei uns vür der Huusdür en Kölle op der Luxemburger Stroß am Spille. Un do kome zwei Junge, die frogten mich: "Wat mähs de, Klein? Wells de nit met uns en de Stadt gonn?" Jo ha' ich eets gesaht: "Nä, ich gonn nit met. Ich darf dat och nit."

"Och gangk doch met, mer gonn och Rolltrepp fahre." Do sag' ich: "God, wann dat nit mih es wie Rolltrepp fahre."

Et wor och Adventszigg, der Kaufhof, dä hatt schön usgestellt, wie et hüggzedag noch es. No ben ich met dä zwei dann en de Stadt gegangen. Un meddlerweile wor ming Mutter mich am Söke.

Jo, dat heiß mi Vatter dä wor nit ze Hus, dä wor op Montage gewäse damals zo dä Zigg. Un dann es die irgendwo bei de Polizei gegange un hät mich gemeldet, se hätt mich gesök, se künnt mich nit finge en däm Veedel, wo ich mich söns ophalde, Gabelsberger Stroß, Stolzestroß, Luxemburger Stroß han se mich nit gefunge, em Klüsterche en der Gabelsberger Stroß bei de Nönncher wor ich och nit, alsu es dat ganz usgeweitet woode.

Ävver zom Schluss es dat dann domet geendet, dat die zwei Junge, die minger zwar üvverdrössig sehr wahrscheinlich gewoode sin, mich om Polizeirevier, dat wor damals en der Krebsgass op der Eck, han die mich avgegovve. Dann es dat zosammegelaufe do alles, ming Mutter hatt mich als entführt gemeldet, die ha' mich gefungen, hatten och sehr wahrscheinlich op der Wach e bessche Spässche met mir gehat, nämlich sie hatte mir Saache gesaht, wat ich maache sollt oder nit un ich han dann gesaht: "Nä, dat darf ich nit!"

**Pohl, Helmut (81): *De Eeschte Entführung***

ʔɪf beldə mɛ ʔɛn ʔɪf ben\_ət ʔe:ʦtə kɪnt he:\_ən kœlə vat ʔəns ʔɛnt'fyɔt vo:t ʔɔn dat mʊs:ə  
li:jən da vɔɔ ʔɪf ʔɔnjəfœ fiɔ jɔɔ ʔalt do vɔ:ɔ\_ɪf be ʔɔns fyɔ dɛ hu:sdyɔ ʔɛn kœlə ʔop tɛ  
'lɔksəmbʊɔjɛ ʃtrɔ:s\_ʔam ʃpɪlə ʔɔn da kɔ:mən ʦʃaɪ jʊŋə di fʊɔ:bə m:ɪf fat mɛ:s tɛ kleɪn vɪls  
tɛ nit met ʔɔns ʔɛn\_ə ʃtat jɔn jɔ: ha\_ɪf ʔe:ʦ jɛzɑ:t nɛ:: ʔɪf:ɔn:ɪ met ʔɪf dɑf dat ʔox nit ʔɔx  
jɑŋk tɔx met mɛ jɔn\_ox:ɔltrɛp fa:bə da zɔ\_ɪf jɔ:t fɛn dad nit mi: ʔɛs fi 'ɔltrɛp fa:bə ʔɛt  
fɔ\_ox ʔat'fɛnstɪk dɛ 'kɑʊfho:f dɛ hat ʃø:n 'ʔʊsjɛʃtɛlt vɪt hʏkʦɛdɑ:x nɔx ʔɛs no ben\_ɪf  
met:ɛnə ʦʃaɪ dan:ə ʔɛn dɛ ʃtat:ɛjɑŋən ʔɔn mɛtlɛ'vɑɪlə vɔɔ mɪŋ mʊtɛ mɪf\_ɑm zø:kə ja:x\_ɑt  
he:s mɪ fate dɛ vɔɔ nit:sə hus dɛ vɔ\_ɔp mɔn'tɑ:ɪ:əvɛ:zə damals:o\_ɛ sɪk ʔɔn dɔn ʔɛs di  
'ʔɪɔjɛntvo be dɛ polɛ'tʃɛɪ jɛjɑŋ\_ɔn hɛt mɪf:əmɛldɛt sɛ hɛt mɪf:ɛzø:k sɛ hɛ kynt mɪf nit  
fɪŋə ʔɛn dɛm fe:dɛl vɔ\_ɪf mɪf zɔns ʔ'ophaldɛ 'ja:bɛlsbɛɔjɛ ʃtrɔ:s ʃtɔltʃɛ ʃtrɔ:s 'lɔxəmbʊɔjɛ  
ʃtrɔ:s han zɛ mɪf nit jɛfʊŋə ʔɛm kly:stɛɪ\_ɛn dɛ 'ja:bɛlsbɛɔɪ ʃtrɔ:s be dɛ nʏnɪə vɔ:ɔ\_ɪf  
ʔo\_nit ʔalzo: ʔɛs das jɑŋʦ 'ʔʊsjɛvɑɪtɛt vo:də ʔɛvɛ ʦsɔm ʃlʊs ʔɛs dat:an 'dɔmɛt jɛʔɛndɛt  
dat:i ʦʃaɪ jʊŋə ti mɪŋɛkə ʦʃaɔ ʔøvedkʏsɪf sɛɔ va'ʃɑɪnɪf:əvo:də zɪnt mɪz\_om:  
poli'tʃɛɪvɛ dat vɔɔ da:malz\_ɛn dɛ 'kɛpsjɑs ʔop tɛ ʔɛk han di mɪf 'ʔɑfjɛjovɛ dan ʔɛs  
dat:an ʦsɔ'zɑmɛnjɛ,lɔʊfɛ da ʔalɛs ʔɔn: mɪŋ mʊtɛ ha mɪf ʔals ʔɛntfyɔt jɛmɛldɛt di ha  
mɪf:ɛfʊŋən hatɛn ʔox sɛɔ va'ʃɑɪnɪf ʔop tɛ vax ʔə besjɛ ʃpɛsjɛ met mɪɔ jɛhat nɛmɪf:\_ə si  
hatɛ mɪɔ za:xə jɛzɑ:t fad\_ɪf ma:xə zɔld\_ɔdɛ nit nɛ ʔɔn ʔɪf san dan jɛsɑ:t nɛ dat:ɑf ʔɪf nit  
nɛ

